

Mud Volapüka

Nüm 62

23 yunul 2017

Bukemaboed

Fövot lekoned-mära yutopik
„Ventürs hiela ‚Nenolikan‘ e flenas omik“
fa hiel „N. N. Nosov“

Kapit degtelid. Nesevädans nulik.

Posä Jiblövalogikan edegolof, Nenolikan äseatom no lunüpo, täno emebom, das isludom ad vestigön: de kis pup pimekon<, e ya äprimikom ad löädön, ab süpo steps dönu ätonons pödü yan e visip eka pelilon:

„Kiöpo etan atopom?“

„Us.“

„Kisi adunom?“

„Aseatom su bed.“

„Deadik?“

„Nö, jinom lifik.“

„Letolsös obi ad küpedön.“

„Stebedolös.“

Nenolikan elülogedom lü yan ed eküpom, das ek lükon da kihakog.

„Letolsöd, lavaran! Ga koo vipob ad logedön.“ - visip dönu pälilon.

„Täno neletob, üf nemol obi lavaranu.“

Runäd pälilon pödü yan.

„No sleifolöd obi, no sleifolöd!“ - sijid skanik pälilon. - „If nogna ujoikolöv obi, täno



otirob oli len herem!“

„Ab otirob oli len flökot, e zu ujoikob me lög!“

Nenolikan ävilom lelogön utanis, kels feitons us. Ejutedom se bed e vifiko emaifükom yani. Ton dumik joka etonon, e Nenolikan eküpom jicililis tel po ok. Etans egejokofs flanio, egleipofs me nams len floms ed älogedofs Nenolikani drediko. Liev÷ül grünik pi÷brodon pö lebavet ji÷balana, yat÷ül redik - pö ut ji÷votikana. Ofs bofik, äsva ön büd, eprimofs ad loga÷nutülön [nutülön me logs] e drenön, ed edeflekölo oki älöpio÷golofs ve tridem boadik rovik, kel ästadon deto deo yan.

„A-a-a!“ - laodiko ädrenof jicilil ko flökots brefik, kels äsea÷tenikons pö kapa÷bäk äl flans difik.

„U-u-u!“ - äsö÷sagof kol etan [äleogof etani] ji÷votikan ko herematanod blövik gretik pö sömit kapa.

Nenolikan ekratom kapabäki me nam ed emürom:

„Jenot kion! Jinos, das eflapob ofis vemo me yan.“

Dredölo, das dönu uludunomöv bosi pö dom foginik, Nenolikan exänom su bed ed esludom ad slipülön, ab steps dönu pälilons pö luyal [dugolöp]. Yan pemaifükon, e jicilil nesevadik änülogof ini cem. Älabof heremi fridik [ko herakrugöls], logis dädükiälik jovialik e logodil käfik ko nudil tipik.

„Hicilil!“ - ävokädo. - „Zanädan!“

Nenolikan ebunülom [elöjutedom] pö bed demü süpot. Yan muvifo efäijutedon [pefärmükon] e steps vifiko ditöls pälilons. Nenolikan etovülom jotis ed emurom nestümo:

„Ji÷ludigidäl÷an!“

Edonükom kapi sui kusen ed igo eprimom ad slipülön, ab dönu yan pemaifükon e jicilil ot ko herakrugöls änülogof.

„Zanädan!“ - ävokädo. - „Ha-ha-ha!“

Yan efäijutedon dü timül. Nenolikan ejutedom se bed ad dugolöp, ab ya nek äkomon us.

„Benö!“ - Nenolikan emurom tädiko.

Esumom stripömi boadik se penamatab ed eklänedom oki flano deo yan. Ästebedom no lunüpo. Suno steps pälilons pö dugolöp. Nenolikan etovom stripömi löpikumo. Yan emaifikon. Jiblövalogikan enügolof ini cem e sunädo peflapof me stripöm len flom.

„Ag!“

Jiblövalogikan egleipof flomi me nam.

„Kikodo flapädor me stripöm?“ - ävokädof. - „Blütot upubon pö flom obik sekü atos!“

„Ba, blütot no upubon“ - Nenolikan egesagom, brulälo kipölo stripömi pö nam.

„Nö, upubon, upubon! Sevor-li liovemo binob fibiku? Flaporöv obi me buon: ebo sunädo blütot udavedon.“

„Mögos ad fimaseitön diledili mäplata“ - Nenolikan edatikom. - „Ga enüblinor mäplati de drogöp.“

„Enüblinob uti pro or.“


„Ut saidon kol obs valik“ - Nenolikan egesagom.

Esumom mäplati ed ekötom oni me jim ad dils fol.

„Fimakleiborös vifikumo“ - Jiblövalogikan äkudof. - „Ekö! isio, isio...“

Elüflekof flomi ed äjonof me doat pladi, kiöpio nedos ad kleibön mäplati. Nenolikan efimakleibom mäplati, ab, eküpölo, das ut pefimaseiton blegiko [globiko], eprimom ad desleitön [delivükön] oni.

„Prüdö! Prüdö!“ -



Jiblövalogikan ävokädo. - „Umitor flomi obik lölik me mäplat at naudik [gagik].“

„Nu gudiko“ - Nenolikan esagom, efiduinölo vobodi.

Jiblövalogikan elüjutedof lü lok:

„Ö! Mögädo, das ek ulogon-la [uküpon-la] obi ön mäplat at pö flom!

Jonedorös joti orik. Kiöpo blötot orik komon?“

Jiblövalogikan äfimakleibof diledili mäplata len jot Nenolikana.

„Leno ävilob flapön ori“ - Nenolikan esagom.

„Ab kini?“

Nenolikan ävilob sagön, das jicilil nesevädik ähäof omi, ab esludom, das atos obinon trätülu.

„Neki“ - egesagom. - „Te ävilob steifülön [ad түvön]: va mögos-li ad flapön eki me stripöm at.“

„Ors, hicilils, te tikodors desinölo ad flapön [desinors dat flaporsöv] eki, ab ven its peflapors, atos nepliton oris... Kikodo smilülor? Bi labob-li mäplati pö flom?“

Enilikof lü lok dönu:

„Vo, atos binon vemo droliku, ven follien somik stadon pö flom!“

„Ab dekötorör oni ad sirk“ - Nenolikan ekonsälom.

Jiblövalogikan edesleitof mäplati, edekötof oni sirköfiko me jim ed efimakleibof oni ge sui flom.

„Jinos-li lü or, das so binos gudikumo?“ - elüflekolof oki Nenolikane.

„Lesi“ - esiom . - „Cedü ob, atos binon igo klotugiku kol or.“

Efärmükölo boso logis, Jiblövalogikan älelogof oki me lok.

„Nu degivorös bliti e jiti obiks“ - Nenolikan ebegom.

„Degolorös ad lavön oki, e täno ulesumor klotemi.“

Jiblövalogikan edugof Nenolikani lü kvisinöp. Lavaböväd äkomon len völ us. Nilü on lava-särvätül älagon su kluf ä sob e tuta-krem äseatons su boed.

„Ekö!: tuta-kef pro or<, ekö!: tuta-krem. Oklinükörös tutis [okeforör tutis]“ - Jiblövalogikan esagof, tenükölo nami ko tutakef lü Nenolikan

[mogivölo tutakefi Nenolikane].

„No kanob sufälön tutakremi!“ - Nenolikan emurom.

„Kikodo üfo?“

„Mismekon!“

„Ab no zesüdos kol or ad fidön oni.“

„Ga lindifos. Ut hitükon [beitön] linegi.“

„Obeiton brefüpo ed ustopedon.“

Nenolikan naudio [no vilöfo] eprimom ad kefön tutis. Eluröbölo love tuts telna me tutakef, elogoda-jästom däsperiko ed eprimom ad spukön. Poso elavülom mudi me vat ed eprimom ad sobön namis me sob. Efi-lavölo namis, eseitom sobi sui boedil ed eprimom ad lavön logodi.

„Nedos lavön logodi koo me sob“ - Jiblövalogikan esagof.

„Nö!“ - Nenolikan egesagom. - „Sob ai dranon ini logs.“

„Nö! Begö!“ - Jiblövalogikan esagof seväriko. - „Voto no udagetor klotemi.“

Väl äfabinon. Nenolikan esobom logodi me sob e muvifiko eprimom ad mo-lavön [sä-sobön] sobi me vat.

„Br-r-r!“ - edremom. - „Vat koldik kion.“

Elavülölo logodi slapiko [nekälisko], etenükom bradis föfio e, no maifükölo logis, eprimom ad luröbön völi me nams.

Jiblövalogikan älogedof omi, töbo taetölo smili.

„Kisi sukor?“

„L-lavasärvätüli“ - Nenolikan egesagom, dremölo demü kold.

„Lü kis sukön ko logs pefärmüköl? Maifükorös logis.“

„Lio maifükön onis, if ga sob d-d-deätik dranon!“

„Ab säsoborös oni gudiko.“



Jiblövalogikan edesumof lavasärvätüli de völ ed elütenükof [elofof] oni Nenolikane. Nenolikan äröbom logodi me lavasärvätül e pas täno esludom ad maifükön logis.

„Ekö!, nu ecenor ad leplu klinikum ed igo jönikum“ - Jiblövalogikan esagof ed, eküpölo retis släma [neɪklinɔtɪs] penüpedöls sui lavasärvätül, efisagof [eläükof]: „Ab otimo [fovo] mutor lavön oki gudikumo. Dälälob kol or te balidnaedo.“

Enüblinof klotemi Nenolikana ed esagof:

„Lenükorös [klotemi] e löpiogolorös ad drinön tiedi. Bo, ya ifaemikor-li?

„Muvemo idafaemikob“ - Nenolikan edasevom [esiom]. - „Bo, fidoböv-la leefadi lölik!“

„Ag, neläbikan kion! Täno lükömorös suniküno [vifiküno], ostebedobs ori.“

Reidolsös fövoti konota pö nüm fovik.